

**Do kada je krajnji rok za podnošenje prijave političkih stranaka, nezavisnih kandidata, udruženja građana i grupa od 40 građana za učešće na Lokalnim izborima 2020. godine ?**

U skladu s Uputstvom o rokovima i redoslijedu izbornih aktivnosti za Lokalne izbore 2020. godine, krajnji rok za podnošenje prijave političkih stranaka, nezavisnih kandidata, udruženja građana i grupa od 40 građana je **03.07.2020. godine do 16:00 sati.**

**Na koji način se dostavlja prijava elektronskim putem ?**

Politički subjekt može dostaviti prijavu za učešće na Lokalnim izborima 2020. godine, uključujući i sve priloge, Centralnoj izornoj komisiji BiH i elektronskim putem, na e-mail [politicki.subjekti@izbori.ba](mailto:politicki.subjekti@izbori.ba)

U slučaju dostavljanja prijave putem e-maila, politički subjekt **je u obavezi** da kompletnu originalnu dokumentaciju dostavi na adresu sjedišta Centralne izborne komisije BiH, putem preporučene pošte najkasnije do 03.07.2020. godine.

**Koju dokumentaciju podnosi politička stranka za prijavu učešća na izborima ?**

1. Popunjenu prijavu za učešće na izborima i potpisanu od strane predsjednika političke stranke
2. Izvod iz upisa u sudski registar ne stariji od 60 dana i ovjerenu kopiju rješenja o upisu u sudski registar
3. Dokaz o uplati novčanog iznosa takse za ovjeru
4. Odgovarajući broj potpisa podrške i
5. Finansijski izvještaj koji obuhvata period od 3 mjeseca prije podnošenja prijave, odnosno, **od 01.03.2020. godine do 31.05.2020. godine.**

**Koju dokumentaciju podnose nezavisni kandidati za prijavu učešća na izborima ?**

1. Popunjenu i potpisanu prijavu za učešće na izborima
2. Popunjen i potpisan kandidatski obrazac
3. Ovjerenu izjavu
4. Dokaz o uplati novčanog iznosa takse za ovjeru
5. Odgovarajući broj potpisa podrške i
6. Finansijski izvještaj koji obuhvata period od 3 mjeseca prije podnošenja prijave.

**Koju dokumentaciju podnose udruženja građana za prijavu učešća na izborima za predstavnike nacionalnih manjina ?**

1. Popunjenu i potpisanu prijavu za učešće na izborima
2. Izvod iz upisa u sudski registar ne stariji od 60 dana i ovjerenu kopiju rješenja o upisu u sudski registar
3. Popunjene i potpisane kandidatske obrasce za pripadnike nacionalne manjine
4. Ovjerenu izjavu za sve kandidate i
5. Finansijski izvještaj za sve kandidate koji obuhvata period od 3 mjeseca prije podnošenja prijave.

**Koju dokumentaciju podnosi grupa od 40 građana za prijavu učešća na izborima za predstavnike nacionalnih manjina ?**

1. Popunjenu i potpisanu prijavu za učešće na izborima
2. Popunjen i potpisan kandidatski obrazac
3. Popunjen i potpisan spisak od najmanje 40 građana koji predlažu kandidata
3. Ovjerenu izjavu za sve kandidate i
4. Finansijski izvještaj koji obuhvata period od 3 mjeseca prije podnošenja prijave.

**Koji broj potpisa podrške birača je potrebno da prikupe političke stranke i nezavisni kandidati za učešće na izborima ?**

Za općine/gradove koji broje više od 10.000 birača, podnosi se najmanje 200 validnih potpisa podrške.  
Za općine/gradove koji broje manje od 10.000 birača, podnosi se najmanje 100 validnih potpisa podrške.

Za općine koje broje manje od 1.000 birača podnosi se 5 % od ukupnog broja birača.

*Primjer 1: Broj birača u općini, prema Odluci o zaključivanju Centralnog biračkog spiska na dan 06.05.2020. godine u 24:00 sata je 560 birača, te politička stranka i nezavisni kandidat za tu općinu podnose najmanje 28 validnih potpisa podrške ( $560 \times 5\% = 28$ ).*

**U kojim slučajevima politički subjekt nema obavezu prikupljanja potpisa podrške ?**

Politička stranka i nezavisni kandidat koji su osvojili mandat na Lokalnim izborima 2016. godine (mandat vijećnika/odbornika ili gradonačelnika/načelnika) oslobođeni su obaveze prikupljanja potpisa podrške u općini/gradu u kojem imaju mandat (za vijećnika/odbornika, kao i za načelnika/gradonačelnika).

Također, politička stranka ili nezavisni kandidat koji su osvojili mandat kao članovi koalicije, odnosno liste nezavisnih kandidata na Lokalnim izborima 2016. godine, nemaju obavezu prikupljanja potpisa podrške.

Osvojeni mandat se cijeni u skladu s Odlukom o potvrđivanju rezultata Lokalnih izbora 2016. godine.

**Da li se obrasci za prikupljanje potpisa podrške preuzimaju isključivo u sjedištu ili su dostupni u elektronskoj formi?**

Obrasci za prikupljanje potpisa podrške se unaprijed štampaju, te se, uz evidentiranje serijskih brojeva, preuzimaju isključivo u sjedištu Centralne izborne komisije BiH.

**Da li se posebno prikupljaju potpisi podrške za istu općinu/grad ako politička stranka želi učestvovati u izborima i za načelnika i za OV/SO/GV/SG?**

Nije potrebno zasebno prikupljati potpise za kandidaturu za načelnika/gradonačelnika i za OV/SO/GV/SG, ukoliko se radi o istoj općini/gradu.

**Da li birač koji daje potpis podrške mora biti upisan u Centralni birački spisak u općini/gradu za koju politički subjekt prikuplja potpise podrške?**

Da, birači daju potpis podrške političkom subjektu za kandidaturu za općinu/grad u kojem su birači upisani u Centralni birački spisak.

**Da li je politički subjekt oslobođen prikupljanja potpisa podrške ako ima mandat na višem nivou vlasti (u kantonalnoj skupštini, Narodnoj skupštini RS, Parlamentu FBiH, Parlamentarnoj skupštini BiH) ?**

Politički subjekt nije oslobođen obaveze prikupljanja potpisa podrške ukoliko ima mandat na višem nivou jer su u pitanju različiti izborni ciklusi.

**Koji je iznos novčane takse za učešće na izborima za političku stranku i nezavisnog kandidata ?**

U skladu s Odlukom o visini takse za učešće na Lokalnim izborima 2020. godine, visina novčanog iznosa takse za učešće na izborima za nezavisnog kandidata iznosi 1.000 KM.

Iznos takse za političku stranku:

- za učešće na izborima za OV/SO/GV/SG u sjedištu političke stranke uplaćuje se 1.000 KM i za svako naredno OV/SO/GV/SG po 100 KM.
- za izbore za načelnika/gradonačelnika, 1.000 KM se uplaćuje za sjedište političke stranke i za svaku narednu kandidaturu za načelnika/gradonačelnika po 100 KM.

*Primjer 2. Politička stranka koja se kandiduje za 10 OV/SO/GV/SG i 10 načelnika/gradonačelnika, od čega se kandiduje za OV/SO/GV/SG i načelnika/gradonačelnika u sjedištu, potrebno je da uplati :*

<b>R/B</b>	<b>Naziv</b>	<b>Visina takse</b>	<b>Broj</b>	<b>Ukupno</b>
1.	Sjedište OV/SO/GV/SG	1.000	1	1.000
2.	OV/SO/GV/SG	100	9	900
3.	Sjedište načelnik/gradonačelnik	1.000	1	1.000
4.	Načelnik/gradonačelnik	100	9	900
	<b>UKUPNO</b>			<b>3.800 KM</b>

**Da li politički subjekti uplaćuju novčani iznos takse i prilažu potpise podrške za izbor predstavnika nacionalnih manjina ?**

Ukoliko se politički subjekti kandiduju samo za izbor predstavnika nacionalnih manjina, nisu dužni uplaćivati novčani iznos takse za ovjeru niti prikupljati potpise podrške.

**Gdje se može ovjeriti izjava o prihvaćanju kandidature i o izjašnjenju o pripadnosti konstitutivnom narodu/grupi ostalih/nacionalnim manjinama?**

Izjava se, pored ovjeravanja potpisa na način utvrđen zakonom, može ovjeriti i kod nadležne općinske/gradske izborne komisije.

**Da li državni službenik može biti kandidat na izborima?**

Državni službenici, kao i ostali nosioci dužnosti iz člana 1.8 stav (1) Izbornog zakona BiH, mogu se kandidovati za javnu izbornu dužnost samo ako prethodno podnesu ostavku na taj položaj ili postupe u skladu sa zakonima koji reguliraju njihov status. O navedenom se potpisuje i ovjerava izjava, koja se prilaže uz prijavu za izbore.

**\* Najčešća pitanja i odgovori su sačinjeni u skladu s odredabama Izbornog zakona BiH ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08 37/08, 32/10, 18/13, 7/14 i 31/16), Pravilnika o prijavi i uslovima za ovjeru političkih subjekata za učešće na Lokalnim izborima 2020. godine ("Službeni glasnik BiH" broj: 25/20) i Uputstva o rokovima i redoslijedu izbornih aktivnosti za Lokalne izbore 2020.godine koji će se održati u nedjelju, 15. novembra 2020.godine („Službeni glasnik BiH“ broj 29/20).**

**Za detaljna uputstva i procedure molimo koristite navedene propise, koji su dostupni na internet-stranici Centralne izborne komisije BiH.**